

'sëedhε 'ö
Zudë
-ya bɔ -Zlan -bha mε -nu -dhë bhë
'ö =nε

¹ 'Sëedhε =nε ma =nε 'a- bɔ ka -dhë. N tɔɔ Zudë, n dheglu tɔɔ Zakö. Yesu Klito -bha yuökēmε -mü n 'ka. A- bɔ mε 'ö -Zlan -yö ka -dhɔɔ -kë 'ö 'ka -tosiadhe kë -na kwa Dë -Zlan -bha -dhɔ 'gü 'ö Yesu Klito 'yan 'dhö ka -bha bhë ka -dhë.

² Kö -a -bha mε 'yena yö -sü 'dhö, -a -bha =zuöyagluu, waa- -a -bha -dhɔ bhë, -ya -da ka 'gü -kplawo.

*'Wun 'ö -gban mε =daan' -mε =suazë -nu -bha
(2 Piεε 2.1-17)*

³ N dhegluzë -nu, a -kë pë 'plε kë =dhia kö 'wun 'ö -gban dhasü 'ö kwa -klu 'kuë- do bhë 'aan- -wun =blεε'- ka -dhë 'sëedhε 'gü; 'kεε =dhε 'a yö mü zlöö, -a mε mε 'ö -gban -zo yö -sü 'ö =ya kë 'ö -Zlan -ya -wun -lo ö -bha mε kwεε dosεn 'kpaan 'ö ka -gɔ bhë, 'ö- -wun -yö nu n =zuö' 'piö. Yö =nε 'a dho -a -wun =blεε'- ka -zo -gban -sü 'ka kö 'kaan- -a -wun 'kun 'gbee-. ⁴ 'Ö tɔɔ mε -nu 'gluyaazë =wa -da ka ziën ka tii 'ka; 'wun =blεε'- -wo 'ö -gban -Zlan -bha gbaɔ -bha bhë, -wa bho -na pin =taa -a dan -sü 'ka wo 'ta sü -kɔ 'ö 'yaa 'trüün 'piö bhë -a 'ka kö -waan -a pö wo -bha -tosiadhe -yö kpengdhö. Wo do 'wo bhë, Yesu Klito 'ö kwa -gɔmε dosεn 'kpaan 'ö kwa Dëmε 'ka bhë, 'waa- 'sü =bhlézë. 'Kεε kë- wo 'dhö bhë, za 'ö -an -bha bhë, pë 'ö- -dhε =ya =glɔɔ, 'ö- -wun 'dhö =bεεn' -sü 'ka -Zlan -bha 'sëedhε 'gü =nε -yö -dho -an kun yö -mü.

⁵ 'Kö -kë =nε pë -nu 'wo bhë, 'ka -an 'plε dɔ -së 'ka 'saadhö 'dhee, a -dho ka -zo -büö -kɔ 'ö kwa Dëmε -yö

Izlaelö -sɛgümɛ dha -a 'ka Ezitö -sɛ 'gü 'ö 'go mü, 'yö- -kë 'zü 'ö mɛ -nu 'wo -kɔ wo -zo -yö -a -bha -sü 'ka bhë 'ö -an 'tiin -yö yën bhë -a -wun 'ka. ⁶ Ka -zo -yö -büö -Zlan -bha bɔmɛ -nu mɛ 'ö -an =zuö' 'glu yaa dhi -kɔ -mɔ 'wuën- -sü 'ö nu -an -dhë bhë -a -wun 'gü 'ö 'wo go wo -de -ya -dhɛ -bha bhë -an 'ka. =Dhɛ -kë 'dhö, -Zlan -yö -an -zuö -dhetiidhɛ 'ö 'sɛ =löö bhë -a 'gü. -Wo -lö -sü 'ka 'ma -piö =yɔɔga 'ö 'dhö =toëpö 'ka bhë -a 'ka -yaan dhoë -yaan yöë -Zlan -bha zakanyi =va bhë -a -bha. Yi bhë -a 'ka, za -dho -lo -an tuö. ⁷ Yö do bhë 'zü, mɛ -nu 'wo -kë Sɔɔmɛ, -an mɛ -nu 'wo -kë Gomɔɔ waa- mɛ -nu 'wo -kë pödhɛ -nu 'gü -an -zü 'to mü, (pë -nu 'wo- -kë =nɛ -Zlan -bha bɔmɛ -nu 'wo bhë -an 'dhö bhë ka gia-, ka- -yö -oo!) 'ö tɔɔ -yö -kë dhe 'ka oo, -yö -kë gɔɔn- 'ka oo, wo 'plɛ, -wo -kë wo -de nu =dhia =sɔɔn kë -sü -dhë 'ö =sɔɔn mɛ 'ö- -bɔ mɛ 'dhi -sü -de 'yaa -së bhë, 'wo -kë -a kë -dhia. 'Yö kë- wo 'dhö bhë 'ö -an 'gü -yö =siö 'siö 'ö -dhö =toëpö 'ka bhë -a =kwaa'. 'Wun =zuan' 'ö bhë -yö mɛ -zobüöwo 'ö 'yaa -bin -sü 'ka -a 'ka, 'ö nu mɛ 'plɛ -dhë.

⁸ =ɛɛ, ka gia-, ka- -yö bhë! mɛ =daan' -mɛ =suazë -nu 'wo 'dhö bhë -an 'wun kë -kɔ =suu'- -yö =nɛ -kɔ do bhë -a 'dhö: Yiö -nu 'wo- bho -na bhë =nɛ 'wo wo -zo tën -a -dhë 'ö pë 'ö 'yaa kë pë 'ka bhë 'wo- -kë wo -de 'ka; -Zlan -bha -kë -an -gɔ -ta dhuö -sü 'yaa kë -an -dhë pë gbɛ 'ka; kö -wo 'si -nu bho -na 'piigbeedhɛ -nu 'wo dhang- 'gü bhë -an -gɔ. ⁹ 'Kɛɛ kë- wo 'dhö bhë 'wun kë -kɔ =suu'- do 'kö bhë Misɛlö 'ö -Zlan -bha bɔmɛ -nu 'wo bhë -an -gɔtaamɛ do 'ka bhë, yö -de yaa- kë do. -A -de waa- dü, -dɔn 'ö 'wo- bho wo 'kuë mɛ 'ö Moizö bun dho to -a -gɔ -a -wun 'gü bhë, Misɛlö yaa 'si do -de bho -a -gɔ -a =va -yaan 'dhö kë za -lo -a tuö -sü 'ka. Pë do 'ö- pö 'ö tɔɔ: «Dëmɛ -yö ü 'klo bhɔ»! ¹⁰ 'Kɛɛ wo 'pö, 'wun -de 'ö 'waa- 'gü ma bhë, -wa -wun -blɛɛ 'dhi yaa 'ka; wo bhë 'ö 'wun -ya -da -an -gɔ 'gü

'ö 'waa wo -zo 'ta -a 'gü 'ö 'wo to -a 'piö =nE -kɔ 'ö 'blü -wü -nu 'ö 'waa 'wun -nu kē ö -gEn 'ka bhë, 'wo kē -naa 'ka bhë -a 'dhö. =Eε, 'kEε pē gia- bhë =nE 'ö -an -gɔ dho to -a 'gü. ¹¹ -An -bha -yö 'yenazë, 'ö tɔɔ zian do 'wo- -ta bhë =nE 'ö KaEn -ya sü 'kpa. =Wa wo -gɔ -gban 'wëüga -sü =flüü 'gü -sü 'gü =nE Balaamö 'dhö. ME 'wo 'dhö bhë -an 'gü =ya =siö'-; 'ö tɔɔ -wo -dɔ -Zlan -gɔ 'yënnng =nE -kɔ do 'ö Kole -ya =kaa' 'kpa bhë -a 'dhö. ¹² -An -bha -kē ka ziën -sü 'ö ka -bha -kɔ -da 'ko 'piö -bhöpē -nu 'gü bhë, -yö 'wun -yö yaan -sü 'ka; 'ö =ya kē 'ö =zuögludhi 'ka- kē -na ka 'ko =bhaa bhë, 'ö- lē- gbE 'yaa -an -kē bhii -an -zo 'yaa mE gbE 'piö, 'kEε wo -de 'sloo =nE 'ö -an -wun 'dhö wo -de -gɔ 'gbee-. -Wo -kē =nE dha kpö -nu 'ö =ya kē 'ö 'tëe -nu 'dhö 'dho -na -an 'ka zian 'plE 'ka 'ö -an -kē dha 'ka -sü 'yaa -dhö kö -waan ban bhë -a 'dhö. -Wo -kē =nE 'lü -nu 'ö -an -bha 'töng =ya -lo, 'ö -an bhE 'yaa kē -dhö =nE pē 'wo- pö 'tëe =yaa- -an bho 'sEi, =wa ga 'fɛfɛdhö -an 'dhö. ¹³ -Kɔ do 'ö 'yoo kpö 'mëng 'gbeezë -nu =wa vin 'ö -an -zuö 'dhö yën -na -an -dunng =va 'gü pē yaa 'vlanvlan -nu 'ka bhë =nE 'ö =ya kē 'ö -an kēwun yaa -nu -wo yö -a 'ka plaan. 'Wo -kē 'zü =nE 'susongga -nu 'ö -an -yadhE kpinngdhö 'yaa 'dhö 'ö -Zlan -yö -an -bha =toëpö -yadhE -pē -kē -dhEtiidhE =gbaɔnsü 'gü bhë -an 'dhö.

¹⁴ 'Wun 'ö -gban -an -bha bhë, mE 'ö- to 'dhiö 'ö- =blEε -Zlan 'dhi -wo 'ka ö- -dhE =ya =glɔɔ 'ö tɔɔ Enɔkö 'ö -kē Adan -dun kē 'slaplE -naa giagia 'ka bhë. 'Yö- pö: «Kwa DëmE waa- ö -bha bɔmE -nu 'slööslö -vuu 'gɔɔ- =plëezë -wo -dho nu, ¹⁵ kö za 'ö mE 'plE -bha bhë -yaan dɔ; kö =kian' yaa -mE -nu -bha -yaan -an 'kun -an kēwun yaa -nu 'saadhö 'wo- -kē -an -bha -dɔ -Zlan -gɔ 'yënnng -sü 'ka bhë -a -wun 'gü, waa- 'wun yaa 'saadhö -nu 'ö =sɔɔnyaakëmE -nu 'ö 'waa -Zlan -bhlë -ya 'ö 'wo- =blEε -Zlan -gɔ bhë -an -wun 'gü (kö -an 'klo -yaan bhɔ).» ¹⁶ ME -nu 'wo 'dhö bhë,

yi 'saadhö 'ka, -an =zuö' 'glu 'yaa dhi -sü 'ka; -an 'ta -sü -kɔ -yö -go -an =zuö' 'gü. -An =blɛɛ' -wo -nu -wo -de -sü =va -wo -nu 'ka kö -wo -wo 'nɛɛnɛɛ -nu pö -na mɛ -nu -dhë kö -waan -an -ta -bhö.

¹⁷ 'Kɛɛ ka -zë, n dhegluzë -nu, ka -zo -yö -büö -wo 'ö kwa Dëmɛ Yesu Klito -bha bɔmɛ -nu -wa =blɛɛ ka -dhë 'kpa bhë -a 'ka; ¹⁸ yö =ga 'wo- pö: «Yi -kaanta -nu 'ka, mɛ -nu -wo -dho kë -dhö 'ö 'wo 'yee to ka -bha; -wo -dho kë -tosiadhe kë =dhia wo -de =dhɔɔbhaapë yaa -nu 'gü.» ¹⁹ Wo =nɛ =ya kë 'wo nu 'gügludhe -nu 'ka; mɛbheedhe kë -kɔ =nɛ 'ö -an 'gü zlöö; 'yaa -Zuu 'ö go -Zlan 'piö -a 'ka. ²⁰ Ka -zë, n dhegluzë -nu, -ka 'dho ka 'gü -dɔ -de -gɔ 'gbee- -sü 'ka ka -bha -zo -yö -Zlan -bha -sü 'slööslö 'gü. -Ka =bhɛa' -Zuu 'slööslö -bha 'piigbeedhɛ =kwaa'. ²¹ Mɛ 'ö -dhö, -yö 'to -dho 'ö go -Zlan 'piö bhë -a 'gü, kö kwa Dëmɛ Yesu Klito 'ö- -bha 'glusë 'gü 'ö dho ka gbaa =toëpö -këdhösü 'ka bhë, 'kaan- -ya -a -gɔ.

²² Mɛ -nu 'ö -an =zuö' 'yaa =yaannu -sü 'ka -an -bha -zo -yö -Zlan -bha -sü 'gü bhë, -ka -an 'yena yö, ('ka kë 'lëälë -an 'ka)! ²³ Mɛ -nu 'wo bhë -ka -an dha 'siö -gɔ; mɛ -nu 'wo to 'pö bhë, -ka -an 'yena -yö wo 'pö, 'kɛɛ -yö kë 'kwi 'suö -sü 'ka. 'Kɛɛ -a mɛ mɛ 'ö -gban -an 'ta -sü -kɔ -bha bhë, -ka kë 'slë 'ka 'ö tɔɔ -an 'ta 'sü -kɔ -nu -wun 'gü, =wa kë =nɛ 'gaa 'ö mɛ -bha -a 'dhö (bhii -a -bha sɔ -nu bhë, mɛ 'ö =ya =troo' kaa =duö kö =ya bhɔ 'gaa 'sü -sü -bha 'pö).

-Zlan zuöpöwo -kaanta

²⁴⁻²⁵ -Zlan 'ö 'dhö do 'kpaan, yö 'ö kwa dha =bɔa' kwa Dëmɛ Yesu Klito -ta -sü 'ka bhë, -a 'tɔ -yö bhɔ 'ö tɔɔ yö =nɛ 'ö =va, 'ö -kɔ -mɔ 'wuën- -sü waa- -wogbiindhɛ 'dhö -a -gɔ, 'ö =tun -a -gɔ =dɛɛ; 'ö dho kaa 'dhö =toëpö 'ka. Bhii yö =nɛ 'ö- -kɔ dhö -mɔa kö -yö ka -maa kë kö =kun 'ö ka -gɛn dho -zuö 'kaan- -püö -a -bha zian -ta, 'ö dho to -a 'ka 'dhö -yaan yö yi 'ka dho -da -a 'ka -a -bha -gludëdhɛ -pö

Zudë 24-25

5

Zudë 24-25

'gü -a -bha, kö -ya pö 'wun 'yaa -an -bha, 'ö dho =zuögludhi
=va nu ka -dhë bhë; kö -a 'tɔ -yö bhɔ 'dhö gia- 'ka. Amɛn.

'WUN SĚ -NAŌ 'SĚĚDHĚ

Dan: 'WUN SĚ -NAŌ 'SĚĚDHĚ New Testament

copyright © 1991 Wycliffe Bible Translators, Inc.

Language: Dan

Dialect: Western

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 14 Jun 2022 from source files dated 1 Jun 2022

74f67de7-5f93-5988-92e9-b1a45247636e